



# Lukač, Čampara i policijski komesari razgovarali o terorizmu STEPEN SIGURNOSTI I JE NA NAJVIŠEM NIVOU

• Vrlo je teško spriječiti pojedinca u nekoj suludoj namjeri. Ne može niko znati šta je u nečijoj glavi, kaže direktor FUP-a • Moramo smirivati situaciju, smatra ministar policije

U Domu policije u Sarajevu jučer je održan sastanak s policijskim komesarima iz Federacije BiH o temi terorističkih napada u Parizu i Rajlovcu. Aljoša Čampara, federalni ministar unutrašnjih poslova, naglasio je da je stepen sigurnosti na najvišem mogućem nivou, te da je pojačana saradnja kako sa MUP-ovima kantona, tako i sa svim policijskim agencijama u BiH.

## Udarna grupa

- Što se tiče slučaja u Rajlovcu, istraga je u toku. Treba da se utvrdi motiv, ali i način na koji je lice koje je pucalo u vojnike nabavilo oružje. Istraga će također utvrditi da li je to lice kontaktiralo s određenim terorističkim grupama, kazao je Čampara.

Istaknuo je da saradnja između policijskih organa nije na dobrom nivou, te da ju je zbog toga nužno produbiti i ojačati.

- Na državnom nivou imamo jednu obavještajnu sigurnosnu agenciju i mislim da je jako bitno da dobijamo pravovremeno informacije. Sve agencije u BiH, od državnog do kantonalnog nivoa, trebaju raditi na tome, naveo je Čampara.

Na pitanje novinara kakve će se konkretne mjere poduzeti nakon nemilih događaja u Rajlovcu, ministar je odgovorio da je još prije dva mjeseca podignut ste-

pen sigurnosti.

- Dobijamo raznorazne prijetnje... Zbog toga smo pojačali nadzor i budnost svih policijskih agencija. Mislim da trebamo smirivati situaciju, jer samo tako možemo djelovati puno bolje, smatra Čampara.

Da li je koordinacija zakazala tokom operativne akcije u Rajlovcu, zanimalo je novinare. Ministar je objasnio kako upravo zbog toga treba formirati tijelo na državnom nivou koje će se zvati udarna grupa u borbi protiv terorizma sa sjedištem u Tužilaštvu BiH.

Dragan Lukač, direktor Federalne uprave policije, kazao je da policijske snage već dugo prate

## Otkazani Dani otvorenih vrata

Manifestacija Dani otvorenih vrata u kasarni Rajlovac Oružanih snaga BiH neće biti realizovana u planiranom terminu, 24. novembra, zbog napada i ubistva dva pripadnika OSBiH koji su se desili neposredno ispred te kasarne, saopćeno je iz Brigade taktičke podrške Zajedničkog štaba Operativne komande Zapovjedništva OSBiH.

## Vijesti ummeta

Policijski organi rade na provjerama i pokušavaju doći do saznanja ko stoji iza određenih portala, misleći pritom prvenstveno na Vijesti ummeta.

- Treba doći do imena i prezimena, a onda u skladu sa zakonom vidjeti šta dalje uraditi. Naravno da takve portale treba sankcionira-

Page: 4

Reach: 0

Country: BOSNIA AND HERZEGOVINA

Size: 525 cm2

2 / 3

ti, kazao je Dragan Lukač.

kretanje određenih grupa koje mogu, sa sigurnosnog aspekta, biti opasne.

- Imamo podatke o osobama koje su se vratile sa ratišta u Siriji. Posebno je važno sada pratiti njihova kretanja, napomenuo je Lukač.

Na pitanje da li policija drži pod kontrolom situaciju u Gornjoj Maoci i ostalim sličnim mjestima, direktor FUP-a je najavio da će se kontrola i tu pojačati.

- Vidjet ćemo šta tu imamo, ko tu živi itd. Mi smo to i do sada radili. Ne bih se složio da u BiH ima mjesta koja su tamni vilajeti u koje se ne može ući, rekao je Lukač.

Odgovarajući na pitanje kako stati ukraj teroristima, rekao je kako je veoma teško spriječiti pojedince u nekoj suludoj namjeri.

- Ne može niko znati šta je u nečijoj glavi, ali što se tiče mjera, one su pojačane, kazao je.

### **Šta radimo, nije za priču**

Zamjenik glavnog tužioca Tužilaštva BiH Božo Mihajlović kazao je jučer za Oslobodjenje da se istraga u slučaju dvostrukog ubistva vojnika Oružanih snaga BiH nastavlja, ali da o rezultatima istrage nema priče.

- Tužilaštvo BiH provodi istragu sa svim onima koji su nadležni za provođenje istrage, a šta radimo i gdje radimo, to nije za priču, kazao nam je Mihajlović.

Kako je ranije saopćeno iz ove pravosudne institucije, bit će potrebni maksimalna saradnja i angažman svih policijskih agencija, te partnerskih agencija u BiH i inostranstvu ukoliko bude potrebno.

Napad i ubistvo vojnika OSBiH kvalifikovano je kao djelo terorizma, a daljom istragom bit će utvrđene sve okolnosti vezane za počinioca ovog krivičnog djela, njegove eventualne pomagače, kao i motiv.

**E. GODINJAK - A. GRABOVAC**

### **RATNICI IZ SIRIJE**

**Imamo podatke o osobama koje su se vratile sa ratišta u Siriji. Posebno je važno sada pratiti njihova kretanja, napomenuo je Lukač**  
**SIPA u funkciju**

## **stavila sve resurse**

Portparolka Državne agencije za istrage i zaštitu Kristina Jozić kazala je jučer za Oslobodjenje da SI-PA pod nadzorom Tužilaštva BiH, u saradnji sa drugim policijskim agencijama, intenzivno nastavlja istražne aktivnosti s ciljem rasvjetljavanja cijelog događaja i utvrđivanja svih potrebnih činjenica.

- U cilju zaštite interesa dalje istrage u ovom predmetu, u ovoj fazi ne možemo iznositi druge informacije u javnost. Javnost će biti blagovremeno informirana o rezultatima istrage po okončanju. SI-PA, u skladu sa važećom sistematizacijom, kompletne ljudske i materijalno-tehničke resurse stavlja u aktivnu funkciju borbe protiv terorizma koja je usko vezana za saradnju sa drugim policijskim i obavještajnim agencijama, kako u zemlji i regionu, tako i šire, kazala je Jozić.



Božo  
Mihajlović

Page: 4

Reach: 0

Country: BOSNIA AND HERZEGOVINA

Size: 525 cm2

3 / 3

---

